

全上古三代秦漢三國六朝文

全三國文目錄

魏

武帝 卷一至卷三

文帝 卷

明帝 卷九至卷十

廢帝 芳

高貴鄉公髦 已上卷十一

元帝 奐

武宣太后

文昭甄后

文德郭后

明元郭后 已上卷十二

陳思王植 卷十三至卷十九

中山王衮

曹洪

曹問

曹爽

曹羲

曹彥 已上卷二十

夏侯惇

夏侯惠

夏侯玄

夏侯獻 已上卷二十一

華歆

王朗 已上卷二十一

王肅 卷二十三

賈詡

國淵

郗原

管寧

桓階

鍾繇

鍾毓

已上卷二十四

鍾會

孫邕

王凌

王廣

董昭

趙儼

已上卷二十五

邯鄲潛

陳羣

田豫

孫炎

董遇

韓暨

司馬芝

已上卷二十六

劉曄

滿寵

郭淮

何夔

楊阜

辛毗

高柔

孫禮

已上卷二十七

衛覬

傅聞人牟準

已上卷二十八

鮑勛

田瓊

于達叔

許夏

劉若

蘇林

董巴

崔林

裴潛

棧潛

已上卷二十九

應璩

應瑗

吳質

卞蘭

已上卷三十

高堂隆

卷三十一

劉劭

劉放

孫資

韋誕

已上卷三十二

蔣濟

卷三十三

劉真 卷三十四

傅巽 一作選

傅嘏

沐竝

浩周

盧毓

任嘏

樂詳

陳矯 已上卷三十五

衛臻

李伏

許芝

徐岳

孫欽

王傑

劉輔

王觀

王昶

王滄

鹿攸 韓蓋

郝昭 已上卷三十六

桓範 卷三十七

繆襲

麋元

薛靖

劉靖

荀閔

江衛

王基

王武

王象

已上卷二十八

張就

張既

孟康

李恩

程曉

畢軌

何晏

已上卷三十九

鄭小同

張揖

孫該

諸葛誕

母丘儉

秦靜

薛悌

趙怡

左延年

和洽

趙咨

程喜

張茂

已上卷四十

杜肇

文欽

辭譜

楊暨

隱蕃

丁謚

杜布

張敷

杜恕

已上卷四十一至卷四十二

李康

董尋

魚豢

殷駸

黃觀

虞松

朱誕

劉肇

甄毅

朱遺

龐延

李勝

已上卷四十三

趙孔曜

陶丘

孔晏

鄧艾

王弼

武申

阮武

阮籍 已上卷四十四至卷四十六

嵇康

卷四十七至卷五十二

伏羲

嵇叔良

呂安

周晃

王俊

楊元鳳

霍弋

劉微

賈岱宗 已上卷五十三

公孫淵

郭昕 柳浦

列女

高柔妻

已上卷五十四

闕名

詔令

上言

奏

議

銘

序

已上卷五十五

碑

雜著

外國

鮮卑軻比能

疎勒王

已上卷五十六

右全魏文五十六卷一百七十八人

蜀

先主昭烈帝

後主已上卷五十七

諸葛亮卷五十八至卷五十九

許靖

張飛

馬超

趙雲

法正

來敏

劉豹

劉巴已上卷六十

秦宓

馬良

馬謖

陳震

孟達

彭萊

程畿

李嚴

李邈

劉琰

向朗

張裔 已上卷六十一

楊儀

蔣琬

蔣斌

費詩

費禕

呂凱

張嶷

姜維

蒲元

習隆 向充

楊戲

雍闓

闕名

議 別傳 已上卷六十二

右全蜀文六卷三十七人

吳

長沙桓王孫策

大帝 已上卷六十三

廢帝

景帝

歸命侯

已上卷六十四

太子登

孫攸

孫綝

張昭

張承

諸葛瑾

已上卷六十五

黃蓋

步騭

闕澤

薛綜

張溫

後漢未有張溫
此張溫同姓名

暨豔

謝承

周魴

已上卷六十六

駱統

全綜

潘濬

顧譚

胡綜

是儀

已上卷六十七

虞翻

朱治

朱然

朱績

吾粲

陸績

陸遜 已上卷六十八

陸瑁

陸凱

陸抗

已上卷六十九

陸景

朱據

已上卷七十

僕射存

羊衝

殷禮

姚信

周昭

韋昭

已上卷七十一

王蕃

賀劭

張諛

已上卷七十二

張純

後漢初有張純此張純同姓名

朱異

張儼

孟宗

李衡

張勝

張約

朱恩

劉廋

一作劉欽

薛友

臧均

徐整

射慈

一作謝慈

紀騰

已上卷七十三

華覈

皇象

邵疇

萬震

吳彥

孫歆

張俶父

閔鴻

已上卷七十四

楊泉

嚴隱

列女

孫仲奇妹

闕名

上言 奏 序 頌 傳 碑 識文

釋氏

支謙

康僧會

僊道

葛玄

鬼神

宮亭湖廟神

以上卷七十五

右全吳文十三卷八十一人

大凡全三國文二百九十六人

荀爽荀攸張松關羽孫堅周瑜魯肅

呂蒙編入後漢文

大凡全三國文七十五卷

全三國文目録終

全三國文卷一

烏程嚴可均校輯

魏一

武帝

帝姓曹諱操一名吉利小字阿瞞沛國譙人漢相國參之後靈
帝時舉孝廉爲郎除洛陽北部尉遷頓丘令徵拜議郎光和末
拜騎都尉遷濟南相徵爲東郡太守不就尋徵爲典軍校尉獻
帝初董卓表爲驍騎校尉逃歸起兵行奮武將軍尋領兗州牧
建安元年拜建德將軍遷鎮東將軍封費亭侯假節錄尚書事
尋爲大將軍封武平侯進司空行車騎將軍九年領冀州牧十
三年爲丞相十八年策命爲魏公加九錫二十一年進爵魏王
二十五年薨諡曰武王文帝受禪追尊曰武皇帝廟號太祖有
孫子略解一卷兵書接要十卷兵法接要三卷兵書要略九卷

兵法一卷集三十卷逸集十卷

滄海賦

覽島嶼之所存

文選吳都賦劉逵注

登臺賦

引長明灌街里

水經濁漳水注

鴟雞賦序

鴟雞猛氣其闕終無負期于必死今人曰鴟爲冠像此也

大觀本

鴟雞 案魏武賦可見者僅此三事耳初學記二十四引魏武

賦序云王桀直登賢門曰載文類聚八十八枚之則文帝作也故

不錄

假爲獻帝策收伏后 建安十九年

皇后壽得由卑賤登顯尊極自處椒房二紀于茲既無任嬖黷音之美又乏謹身養己之福而陰懷妒害苞藏禍心弗可曰承天命奉祖宗今使御史大夫郊慮持節策詔其上皇后纏綬退避中宮

遷于它館，嗚呼傷哉！自壽取之，未致于理，爲幸多焉。後漢書獻帝伏皇后紀

策立卞后 建安二十四年

夫人卞氏撫養諸子，有母儀之德。今進位王后，太子諸侯陪位，羣

卿上壽，減國內死罪一等。魏志卞皇后傳

領兖州牧表

入司兵校，出總符任。臣曰累葉受恩，膺和洪施，不敢顧命。是曰將戈帥甲，順天行誅。雖戮夷覆亡，不服。臣愧曰興隆之秩，功無所執。曰僞假實，條不勝華。竊感識請，益曰惟谷。魏文類聚五十

陳損益表 初平三年

陛下卽祚，復蒙試用，遂受上將之任，統領二州，內參機事，實所不堪。昔韓非閔韓之削弱，不務富國強兵，用賢任能。臣曰驅驅之質，而當鐘鼎之任，曰閻鈍之才，而奉明明之政。顧恩念責，亦臣竭節投命之秋也。謹條遵奉舊訓，權時之宜十四事，奏如左。庶曰蒸登。

增明太陽言不足採

藝文類聚五十二

表糜竺領贏郡

建安元年

泰山郡界曠遠舊多輕悍權時之宜可分五縣爲贏郡揀選清廉
曰爲守將偏將軍糜竺素履忠貞文武昭烈請已竺領贏郡太守

撫慰吏民

蜀志糜竺傳注引曹公集

謝襲費亭侯表

建安元年

不悟陛下乃尋臣祖父廟祿功臣克定寇逆援立孝順皇帝謂操
不忘獲封茅土聖恩明發遠念桑梓日已臣爲忠孝之苗不復量
臣才之豐否旣勉襲爵邑忝厥祖考復寵上將鈇鉞之任兼領大
州萬里之憲內比鼎臣外參二伯身荷兼紱之榮本枝賴無窮之
祚也昔大彭輔殷昆吾翼夏功成事就乃備爵錫臣束脩無稱統
御無績比荷殊寵策命寔積未盈一時三命交至雙金重紫顯已
方任雖不識義庶知所允

藝文類聚五十一

謝置旄頭表

不悟陛下復加後命命置旄頭臣此表海

御覽六
百八十

讓還司空印綬表

臣文非師尹之佐武非折衝之任遭天之幸干竊重授內踵伯禽
司空之職外承呂尚鷹揚之事斗筭處之民其瞻觀水土不平竅
究未靜臣常媿辱憂爲國累臣無智勇臣助萬一夙夜慙懼若集
水火未知何地可臣殞越

魏文類聚
六十七

請爵荀彧表

建安八年

臣聞慮爲功首謀爲賞本野績不越廟堂戰多不踰國勳是故曲
阜之錫不後營丘蕭何之土先于平陽珍策重計古今所尚侍中
守尚書令或積德累行少長無悔遭世紛擾懷忠念治臣自始舉
義兵周游征伐與彧戮力同心左右王略發言授策無施不效或
之功業臣由臣濟用披浮雲顯光日月陛下幸許彧左右機近忠

恪祗順如履薄冰研精極銳已撫庶事天下之定或之功也宜享
高爵魏志荀彧傳曰彰元勳注引或別傳

守尚書令荀彧自在臣營參同計畫周旋征伐每皆克捷奇策密
謀悉皆共決及或在臺常私書往來大小同策詩美腹心傳貴廟
勝勳業之定或之功也而臣前後獨荷異寵心所不安或與臣事
通功並宜進封賞袁宏後漢紀二十九建安八年七月曹操上言案此與別傳之表

相當師
文金異

請封荀攸表

軍師荀攸自初佐臣無征不從前後克敵皆攸之謀也魏志荀攸傳

表稱樂進于禁張遼建安十一年

武力既弘計略周備質忠性一守執節義每臨戰攻常爲督率奮
彌突固無堅不陷自援枹鼓手不知倦又遣別征統御師旅撫眾
則和奉令無犯當敵制決靡有遺失論功紀用各宜顯寵魏志樂進傳

請增封荀彧表

昔袁紹作逆、連兵官渡、時眾寡糧單、圖欲還許、尚書令荀彧深建
宜往之便、遠恢進討之略、起發臣心、革易愚慮、堅營固守、傲其軍
實、遂摧撲大寇、濟危已安、紹既破敗、臣糧亦盡、將舍河北之規、改
就荆南之策、或復備陳得失、用移臣議、故得反旆冀土、克平四州、
向使臣退軍官渡、紹必鼓行而前、敵人懷利、臣自百臣眾怯、沮已
喪氣、有必敗之形、無一捷之勢、復若南征、劉表委棄兗豫、飢軍深
入、踰越江河、利既難要、將失本據、而或建二策、已亡爲存、已禍爲
福、謀殊功異、臣所不及、是故先帝貴指縱之功、薄搏獲之賞、古人
尚帷幄之規、下攻拔之力、原其績効、足享高爵、而海內未喻其狀、
所受不侔其功、臣誠惜之、乞重平議、增疇戶邑、
後漢荀彧傳又魏志荀彧傳注引彧

刪傳曰太祖入表曰昔袁紹侵人郊甸戰于官渡時兵少糧盡圖欲還許書與彧議彧不聽臣建言住之使恢進討之規更足臣心易其愚慮遂摧大逆覆取其眾此彧視勝敗之機略不世出也及

初破敗臣糧亦盡已爲河北未易圖也欲南討劉表彧復止臣陳

其得失臣用反旆遂吞凶族克平四州向使臣退下官渡紹必鼓行而前有傾覆之形無克捷之勞後若南征委棄充陳則既難要將失木據或之二策臣亡爲存臣禍致福謀殊功異臣所不及也

是日先帝貴指縱之功薄博後之賞古人尚帷幄之規下攻拔之捷前所賞錄未副或巍巍之勳乞重平議

疇其戶

臣又見袁宏後漢紀三十與別傳及後漢略同

表論田疇功

文雅優倫忠武又著和于撫下慎于事上量時度理進退合義幽州始擾胡漢交萃蕩析離居靡所依懷疇率宗人避難于無終山北拒盧龍南守要害清靜隱約耕而後食人民化從咸共資奉及袁紹父子威力加于朔野遠結烏丸與爲首尾前後召疇終不陷撓後臣奉命軍次易縣疇長驅自到陳討胡之勢猶廣武之建燕策薛公之度淮南又使部曲持臣露布出誘胡眾漢民或困亡來烏丸聞之震蕩王旅出塞塗由山中九百餘里疇帥兵五百啟導山谷遂滅烏丸蕩平塞表疇文武有效節義可嘉誠應寵賞已旌

其美

魏志田疇傳注引先賢行狀

請追贈郭嘉封邑表

臣聞褒忠示寵未必當身念功惟績恩隆後嗣是曰楚宗孫叔頗封厥子岑彭既沒爵及支庶誠賢君殷勤于清良聖祖敦篤于明勳也故軍祭酒涪陽亭侯潁川郭嘉立身著行稱茂鄉邦與臣參事盡節爲國忠良淵淑體通性達每有大議發言盈廷執中處理勳無遺策自在軍旅十有餘年行同騎乘坐共幄席東禽呂布西取眭固斬袁譚之首平朔土之眾踰越險塞盪定烏丸震威遼東已梟袁尙雖假天威易爲指麾至于臨敵發揚誓命凶逆克殄勳實由嘉臣今日所召免反嘉與其功方將表顯使賞足已報效薄命夭殞不終美志上爲陛下悼惜良臣下自毒恨喪失奇佐昔霍去病蚤死孝武爲之咨嗟祭寢不究功業世祖望柩悲慟仁恩降下念發五內今嘉隕命誠足憐傷宜追贈加封竝前千戶褒亡爲存厚往勸來也

魏志郭嘉傳注引魏書又載文類聚五十一案魏志郭嘉傳載此表云軍祭酒郭嘉自從征伐十

有一年每有大謀臨敵制變臣策未決嘉輒成之平定天下謀功
爲高不卒短命事業未終追思嘉勳實不可忘可增邑八百戶並
前千戶卽前表約文惟
多出增邑八百戶一句

表論張遼功

登天山履峻險已取蘭成盪寇功也增邑假節

魏志張遼傳

掩獲宋金生表

臣前遣討河內獲嘉諸屯獲生口辭云河內有一神人宋金生今
諸屯皆云鹿角不須守吾使狗爲汝守不從其言者卽夜聞有軍
兵聲明日視屯下但見虎跡臣輒部武猛都尉呂納將兵掩捉得
生輒行軍法御覽三百三十七

留荀彧表

臣聞古之遺將上設監督之重下建副二之任所以尊嚴國命謀
而鮮過者也臣今當濟江奉辭伐罪宜有大使肅將王命文武並
用自古有之使持節侍中守尚書令萬歲亭侯彧國之重臣德洽

華夏既停車所次便宜與臣俱進宣示國命感懷醜虞軍禮尙速
不及先請臣亂雷或依臣爲重後漢荀

讓九錫表

臣功小德薄忝寵已過進爵益上非臣所宜九錫大禮臣所不稱
惶悸征營心如炎灼歸情寫實冀蒙聽省不悟陛下復詔褒誘喻
臣伊周未見哀許臣聞事君之道犯而勿欺量能處位計功受爵
苟所不堪有損無從加臣待罪上相民所具瞻而自過謬其謂臣
何菴文類聚
五十三

上器物表

臣祖騰有順帝賜器今上四石銅甗四枚五石銅鑊一枚御物有
純銀粉鉢一枚藥杵白一具御覽七百五十一
七七百六十二

奏定制度

三公列侯門施內外墜方三十畝御覽百
八十五

奏上九醞酒法

臣懸故合南陽郭芝有九醞春酒法用麴三十斤流水五石臘月
二日清麴正月凍解用好稻米漉去麴滓便釀法飲曰譬諸蟲雖
久多完三日一釀滿九斛米止臣得法釀之常養其上清滓亦可
飲若曰九醞苦難飲增爲十釀差甘易飲不病今謹上獻

北堂書

西十八又文選南
都賦注引魏武集

奏事

有警急輒露版插羽

封氏聞
見記則

上雜物疏

御物三十種有純銀參鐵帶漆畫書案一枚純銀參帶臺硯一枚

純銀參帶圓硯大小各一枚

書鈔一百三十三
八初學記二十一
文類聚五十
御覽六百五

御物有漆畫草枕二枚貴人公主有黑漆草枕三十枚

書鈔一百
三十四

御物三十種有純金香爐一枚下盤白副貴人公主有純銀香爐

四枚皇太子有純銀香爐四枚西園貴人銅香爐三十枚

書鈔一百三十一

五鼓文類聚七十御覽七百三十八百三十一

御雜物用有純金

書鈔一百三十五作純銀

唾壺一枚漆園油唾壺四枚貴人

有純銀參帶唾壺三十枚

御覽七百三十一

御物三十種有上車漆畫重几大小各一枚

書鈔一百三十三御覽七百八

御物有純銀參鏤帶漆畫案一枚

御覽七百三十一

御物有尺二寸金錯鐵鏡一枚皇后雜物用純銀錯七寸鐵鏡四

枚貴人至公主九寸鐵鏡四十枚

書鈔一百三十六初學記二十五御覽七百一十七

御物中宮貴人公主皇子純銀漆帶鏡一枚西園貴人純銀參帶

五皇子銀匣一皇子雜用物十六種純金參帶方嚴四具

御覽八百一十二

鏡臺出魏宮中有純銀參帶鏡臺一枚又純銀七貴人公主銀鏡

臺四

書鈔一百三十六初學記二十五御覽七百一十七

純銀澡豆奩純銀括鏤奩

書鈔一百三十五御覽七百一十七

銀鏤漆匣四枚

書鈔一百三十五
御覽七百十三

油漆畫巖器一純金參帶畫方巖器一

御覽七百十七

御雜物之所得孝順皇帝賜物有容五石銅燥盤一枚

書鈔一百三十五

銀畫象牙盤五具

御覽七百五十九

中宮用物雜畫象列尺一枚貴人公主有象牙尺三十枚宮人有

象牙尺百五十枚骨尺五十枚

御覽八百三十八

中宮雜物雜象牙管鍼筒一枚

御覽八百三十八

上書理寶武陳蕃

武等正直而見陷害姦邪盈朝善人壅塞

魏志武帝紀注引魏書

宛州牧上書

山陽郡有美棗謹上縫帳二絲縷十斤甘棗二箱棹棗二箱

初學記二

十御覽八百三十九

百六十九九百七十一

上書讓增封

建安元年

無非常之功而受非常之福是用憂結比章歸聞天慈無已未卽聽許臣雖不做猶知讓不過三所目仍布腹心至于四五上欲陛下簡不失實下爲臣身免于苟取

藝文類聚五十一

又上書讓封

建安元年

臣誅除暴逆克定二州四方來貢曰爲臣之功蕭相國曰關中之勞一門受封鄧禹曰河北之勤連城食邑考功効實非臣之勲臣祖父中常侍侯時但從釐扶翼左右既非首謀又不奮戟並受爵封暨臣三葉臣聞易豫卦曰利建侯行師有功乃當進立曰爲諸侯也又訟卦六三曰食舊德或從王事謂先祖有大德若從王事有功者子孫乃得食其祿也伏惟陛下垂乾坤之仁降雲雨之潤遠錄先臣扶掖之節探臣在戎犬馬之用優策褒崇光曜顯量非臣冠禎所能克堪

藝文類聚五十一

上書讓費亭侯

臣伏讀前後策命，既錄臣庸才微功，乃復追述先臣，幽讚顯揚，見得思義，屏營怖懼，未知首領所當所授，故古人忠臣，或有連城而不辭，或有一邑而連命，所目然者，欲必正其名也。又禮制諸侯國土，曰絕，子孫有功者，當更受封，不得增襲，其有所增者，謂國未絕也。或有所襲者，謂先祖功大也。數未極，無故斷絕，故追紹之也。臣自三省先臣，雖有扶輦微勞，不應受爵，豈違臣三葉若錄，臣關東微功，皆祖宗之靈祐，陛下之聖德，豈臣愚陋，何能克堪。魏文類聚五十一上書讓增封武平侯及費亭侯。

伏自三省，姿質頑素，材志鄙下，進無匡輔之功，退有拾遺之美，雖有大馬微勞，非獨臣力，皆由部曲將校之助，陛下前追念先臣微功，使臣續襲爵土，祖考蒙光照之榮，臣受不貲之分，未有絲髮自報効，昔齊侯欲更晏嬰之宅，嬰曰：臣之先容焉。臣不足曰繼之，卒違公命，曰成私志。臣自顧省不克負荷，食舊爲幸，雖上德在弘。

下有因割臣三葉累寵皆統極位、我在殞越、豈敢飾辭、魏文類聚五十一

上書劾策命魏公

建安十八年五月

臣蒙先帝厚恩、致位郎署、受性疲怠、意望畢足、非敢希望高位、庶幾顯達、會董卓作亂、義當死難、故敢奮身出命、摧鋒率眾、遂值千載之運、奉役目下、當二袁炎沸、使侮之際、陛下與臣寒心同憂、顧瞻京師、進受猛敵、常恐君臣俱陷虎口、臣不自意能全首領、賴祖宗靈祐、醜類夷滅、得使微臣竊名其間、陛下加恩、授臣上相、封爵寵祿、豐大弘厚、生平之願、實不望也、口與心詎、幸且待罪、保持列侯、遺付子孫、自託聖世、永無憂責、不意陛下乃發盛意、開國備錫、日賜恩臣、地比齊魯、禮同藩王、非臣無功、所宜膺據、歸情上聞、不蒙聽許、嚴詔切至、誠使臣心俯仰、逼迫、伏自惟省、列在大臣、命制王室、身非己有、豈敢自私、遂其愚意、亦將黜退、合就初服、今奉疆土、備數藩翰、非敢遠期、慮有後世、至于父子相誓終身、灰軀盡命、

報塞厚恩、天威在顏、悚懼受詔、

魏志武帝紀注引魏略

上言破袁紹

建安五年十月

大將軍鄴侯袁紹前與冀州牧韓馥立故大司馬劉虞、刻作金璽、遣故任長畢瑜詣虞爲說命祿之數、又紹與臣書云、可都甄城、當有所立、擅鑄金銀印、孝廉計吏皆往詣紹、從弟濟陰太守敘與紹書云、今海內喪敗、天意實在我家、神應有徵、當在尊兄、南兄臣下欲使卽位、南兄言曰、年則北兄長、呂位則北兄重、便欲送璽、會曹操斷道、紹宗族累世受國重恩、而凶逆無道、乃至于此、輒勒兵馬與戰、官渡乘聖朝之威、得斬紹大將滔于瓊等八人首、遂大破潰、紹與子譚輕身逃走、凡斬首七萬餘級、輜重財物巨億、

魏志武帝紀注引獻

帝起居注

破袁尙上事

臣前上言逆賊袁尙還卽厲精銳討之、今尙人徒震蕩、部曲喪守

引兵遁亡、陳車破堅執銳、朱旗震耀、虎士雷蹙、望旗眩構、聞聲喪氣、投戈解甲、翕然沮壞、尙單騎遁走、捐棄偽節、銳氣大將軍、加卿侯、印各一枚、兜鍪萬九千六百二十枚、其矛楯弓戟、不可勝數。

三百五十一

授崔琰東曹掾

君有伯夷之風、史魚之直、貪夫慕名而清、壯士尙稱而厲、斯可已、率時者已、故授東曹掾、往踐厥職。

魏志崔琰傳

決議田疇讓官掾

昔夷齊棄爵而譏武王、可謂愚闇、孔子猶曰、爲求仁得仁、疇之所字、雖不合道、但欲清高耳、使天下悉如疇志、卽墨翟兼愛尙同之事、而老聃使民結繩之道也、外議雖善、爲復合司、謀曰決之。

魏志田疇傳

傳注引魏略

與韓遂敘

建安十六年

謝文約卿始起兵時自有所逼我所具明也當早來共匡輔國朝

魏志張既傳

注引魏略

征吳敬

今孤戒嚴未知所之有諫者死

魏志賈逵傳

原賈逵教

遠無惡意原復其職

魏志賈逵傳

合肥密教

若孫權至者張李將軍出戰樂將軍守護軍勿得與戰

魏志張

賜袁渙家穀教

呂太倉殺于斛賜郎中令之家

呂垣下殺于斛與曜卿家

呂太倉殺者官法也呂垣下殺者親傳也

已上三教並魏志袁渙傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷一終

全三國文卷二

烏程嚴可均校輯

魏二

武帝

置屯田令

當在初平與平間

夫定國之術在于彊兵足食秦人曰急農兼天下孝武曰屯田定

西域此先世之良式也

晉書食貨志魏武既破黃巾羽林監頭川棗破建置屯田議乃令云云

為徐宣議劉矯下令

當在建安二三年後四年前

喪亂已來風教凋薄謗議之言難用褒貶自建安目前一切勿論

其曰斷前誹議者曰其罪罪之

魏志劉矯傳

褒賞令

別部司馬請立齊桓公神堂使記室阮瑀議之

北堂書鈔六十九

加棗祗子處中封爵竝祀祗令

建安六年

故陳留太守聚祇。天性忠能，始共舉義兵，周旋征討，後袁紹在冀州，亦貪祇，欲得之，祇深附託于孤，使領東阿令。呂布之亂，兗州皆叛，惟范東阿完在，由祇。呂兵據城之力也。後大軍糧乏，得東阿。呂繼祇之功也。及破黃巾，定許，得賊資業，常興立屯田，時議者皆言當計牛輸穀佃科，已定施行。後祇白呂爲備牛輸穀，大收不增穀，有水旱災，除大不便，反覆來說，孤猶呂爲當，如故大收，不可復改。易祇猶執之，孤不知所從，使與荀令君議之，故軍祭酒侯聲云：科取官牛爲官田，計如祇議，于官便，于客不便，聲懷此云云。呂疑令君祇猶自信，據計畫還白，執分田之術，孤乃然之，使爲屯田都尉，施設田業。其時歲則大收，後遂因此大田豐足，軍用摧滅羣逆，克定天下。呂隆王室，祇興其功，不幸早沒，追贈呂郡，猶未副之。今重思之，祇宜受封，稽留至今，孤之過也。祇子處中宜加封爵，呂祀祇爲不朽之事。

魏志任峻傳注引魏武帝故事

軍譙令

吾起義兵爲天下除暴亂，舊土人民死喪略盡，國中終日行不見所識，使吾悽愴傷懷。其舉義兵已來，將士絕無後者，求其親戚已後之，授土田，官給耕牛，置學師，以教之，爲存者立廟，使祀其先人，魂而有靈，吾百年之後，何恨哉！

魏志武帝紀御覽六百三十七

敗軍令

令司馬法將軍死綏，故趙括之母，乞不坐括，是古之將者，軍破于外，而家受罪于內也。自命將征行，但賞功而不罰罪，非國典也。其令諸將出征，敗軍者抵罪，失利者免官爵。

魏志武帝紀又文館詞林六百九十五案諸

命篇首文館詞林皆有令字，猶認書首有制，詔二字也。

論吏士行能令

令議者或曰：軍吏雖有功能德行，不足堪任郡國之選，所謂可與適道，未可與權者也。管仲曰：使賢者食于能，則上尊鬪士食于功。

則卒輕死二者設于國則天下治未聞無能之人不鬪之士竝受祿賞而可曰立功興國者也故明君不官無功之臣不賞不戰之士治平尙德行有事賞功能論者之言一似管窺虎歟

魏志武帝紀注引魏

書又文館詞林

六百九十五

脩學令

令喪亂已來十有五年後生者不見仁義禮讓之風吾甚傷之其令郡國各脩文學縣滿五百戶置校官選其鄉之俊造而教學之

庶幾先王之道不廢而有曰益于天下

魏志武帝紀又文館詞林六百九十五

蠲河北租賦令

河北罹袁氏之難其令無出今年租賦

魏志武帝紀

收田租令

令有國有家者不患寡而患不均不患貧而患不安袁氏之治也使豪彊擅恣親戚兼并下民貧弱代出租賦銜鬻家財不足應命

文館詞林作 審配宗族。至于藏匿罪人爲遁逃主。欲望百姓親附。不足畢負。

甲兵強盛。豈可得罪。其收田租。畝四升。戶出絹二匹。絲二斤而已。他不得擅興發。郡國守相。明檢察之。無令彊民有所隱藏。而弱民兼賦也。魏志武帝紀注引魏書又

誅袁譚令

敢有哭之者。戮及妻子。御覽四百一十二引博子

赦袁氏同惡及禁復讎厚葬令

其與袁氏同惡者。與之更始。令民不得復私讎。禁厚葬。皆一之。已

法。魏志武帝紀

整齊風俗令

令阿黨比周。先聖所疾也。聞冀州俗。父子異部。更相毀譽。昔直不疑無兄。世人謂之盜嫂。第五伯魚三娶孤女。謂之鬪婦。翁王鳳擅權。谷永比之申伯。王商忠議。張匡謂之左道。此皆曰白爲黑。欺天

罔君者也。吾欲整齊風俗，四者不除，吾自爲羞。魏志武帝紀又文館詞林六百九十

選舉令

夫遣人使于四方，古人所慎擇也。故仲尼曰：使乎使乎，言其難也。

楊學記

二十

今鄴縣甚大，一鄉萬數千戶，兼人之吏，未易得也。書鈔七十七

聞小吏或有著巾幘。書鈔七十七

魏諸官印，各曰官爲名，印如漢法，斷二千石者章。

國家舊法，選尚書郎，取年未五十者，使文筆眞草，有才能謹慎，典曹治事，起草立義，又曰草呈，示令僕詔，乃付令史書之耳。書詔，共省讀內之事，本來臺郎統之，令史不行知也。書之不好，令史坐之，至于謬誤，讀省者之責。若郎不能爲文書，當御史令是爲牽牛，不可只服箱，而當取辯于鵠角也。御覽二百十五

合詔書省司隸官鍾校尉材智決洞通敏先覺可上請參軍事曰

輔閣政

御覽二百四十
九引魏武選令

諺曰失晨之雞思補更鳴昔李闡在白馬有受金奴婢之罪棄而

弗問後已爲濟北相曰其能故

御覽四百
九十六

明罰令

聞太原上黨西河雁門冬至後百有五日皆絕火寒食云爲介子
推子胥沈江吳人未有絕水之事至于推獨爲寒食豈不悖乎且
北方沍寒之地老少羸弱將有不堪之患令到人不得寒食若犯
者家長半歲刑主使百日刑令長奪一月俸魏文類聚四御覽二
百六十八又三十一又八百

求言令

令夫治世御眾建立輔弼誠在面從詩稱聽用我謀庶無大悔斯
實君臣懇懇之求也吾充重任每懼失中頻年已來不聞嘉謀豈

吾開延不勤之咎邪。自今已後，諸掾屬治中別駕，常日月旦各言

其失，吾將覽焉。

魏志武帝紀注引魏書又文館詞林六百九十五

自今諸掾屬侍中別駕，常日月朔各進得失，紙書函封，主者朝常

給紙函各一

初學記二十一紙

舉泰山太守呂虔茂才令

夫有其志必成其事，蓋烈士之所殉也。卿在郡日來，禽姦討暴，百

姓獲安，躬蹈矢石，所征輒克。昔寇恂立名于汝潁，耿弇建策于青

兗，古今一也。舉茂才加騎都尉，如故。魏志呂虔傳

辨衛臻不同朱越謀反論

孤與卿君同共舉事，加欽合間，始聞謠言，固自不信。及得荀令君

書，具亮忠誠。魏志衛臻傳

封功臣令

吾起義兵，誅暴亂，于今十九年，所征必克，豈吾功哉？乃賢士大夫

之力也。天下雖未悉定，吾當要與賢士大夫共定之，而專與其勞。吾何不安焉？其促定功行封。

魏志武帝紀

下令大論功行封

忠正密謀、撫寧內外，文若是也。公達其次也。

魏志荀攸傳

分租與諸將掾屬令

令趙奢實嬰之爲將也，受賜千金，一割散之，故能濟成大功。永世流聲，吾讀其文，未嘗不慕其爲人也。與諸將士大夫共從戎事，幸賴賢人不愛其謀，羣士不遺其力，是已夷險平亂，而吾得竊大賞。戶邑三萬，追思實嬰散金之義，今分所受租與諸將掾屬及故戍于陳蔡者。庶已疇答眾勞，不擅大惠也。宜差死事之孤，已租穀及之。若年殿用足，租奉畢人，將大與眾人悉共饗之。

魏志武帝紀注引魏書又文館

詞林六百九十五

告涿郡太守令

建安十二年七月

故北中郎將盧植名著海內學爲儒宗士之楷模乃國之楨榦也昔武王入殷封商容之闕鄭喪子產而仲尼隕涕孤到此州嘉其餘風春秋之義賢者之後有異于人今亟敬遣丞掾修其墳墓存其子孫竝致薄輟已彰厥德

魏志盧植傳注引續漢書又見藝文類聚四十一

下田疇令

田子泰非吾所宜吏者

魏志田疇傳

聽田疇讓封令

昔伯成棄國夏后不奪將欲使高尚之士優賢之主不止于一世

也其聽疇所執

魏志田疇傳注引魏書

表劉琮令

建安十三年九月

楚有江漢山川之險後復先疆與秦爭衡荊州則其故地劉鎮南久用其民矣身沒之後諸子鼎峙雖終難全猶可引曰青州刺史琮心高志潔智深慮廣輕榮重義薄利厚德葳蕤萬里之業忽三軍

之服篤中什之體敦令名之與上擢先君之遺塵下圖不朽之餘
祚鮑永之棄并州竇融之離五郡未足引喻也雖封列侯一州之
位猶恨此寵未副其人而比有賤求還州監史雖尊秩祿未優今
聽所執表琮爲諫議大夫參同軍事魏志劉表傳注
引魏武帝故事

宣示孔融罪狀令

太中大夫孔融既伏其罪矣然世人之採其虛名失于核實見融
浮豔好作變異眩其誑詐不復察其亂俗也此州人說平原禰衡
受傳融論曰爲父母與人無親譬若甔器寄盛其中又言若遭饑
饉而父不肖盜贍活餘人融違天反道敗倫亂理雖肆市朝猶恨
其晚更引此事列上宣示諸軍將軍將校掾屬皆使聞見魏志崔
瑛傳注

引魏氏
春秋

爲張範下令

邴原名高德大清規逸世魁然而峙不爲孤用聞張子願欲學之

吾恐造之者富隨之者貧也。魏志邢原傳注引原別傳

爵封田疇令

褚令田疇至節高尙。遭值州里戎夏交亂。引身深山。研精味道。百姓從之。已成都邑。袁賊之盛。命召不屈。慷慨守志。呂微真主。及孤奉詔。征定河北。遂服幽都。將定胡寇。時加禮命。疇卽受署。陳建攻胡蹊路。所由率齊山民。一時向化。開塞導送。供承使役。路近而便。令虜不意。斬蹋頓于白狼。遂長驅于柳城。疇有力焉。及軍入塞。將圖其功。表封亭侯。食邑五百。而疇懇惻。前後辭賞。出人三載。歷年未賜。此爲成一人之高。甚違王典。失之多矣。宜從表封。無久留吾

過。魏志田疇傳注引先賢行狀

存卹從軍史士家室令

自頃已來。軍數征行。或遇疫氣。史士死亡不歸。家室怨曠。百姓流離。而仁者豈樂之哉。不得已也。其令死者家無其業。不能自存者。

縣官勿絕廩長吏存郵撫循曰稱吾意

魏志武帝紀

曰蔣濟爲揚州別駕令

季子爲臣吳宣有君今君還州吾無憂矣

魏志蔣濟傳

辟蔣濟爲丞相主簿西曹屬令

舜舉皋陶不仁者遠臧否得中望于賢屬矣

魏志蔣濟傳

求賢令

令自古受命及中興之君曷嘗不得賢人君子與之共治天下者乎及其得賢也曾不出閭巷豈幸相遇哉上之人不求之耳今天下尙未定此特求賢之急時也孟公綽爲趙魏老則優不可已爲滕薛大夫若必廉士而後可用則齊桓其何已霸世今天下得無有被褐懷玉而釣于涓濱者又得無有盜嫂受金而未遇無知者乎二三子其佐我明揚仄陋唯才是舉吾得而用之

魏志武帝紀又文館詞林

六百九十五

讓縣自明本志合

孤始舉孝廉，年少自呂本非巖穴知名之士，恐爲海內人之所見。凡愚欲爲一郡守，好作政教。呂建立名譽，使世士明知之。故在濟南，始除殘去穢，平心選舉，違迕諸常侍。呂爲疆豪所忿，恐致家禍。故呂病還去官之後，年紀尙少，願視同歲中，年有五十，未名爲老。內自圖之，從此卻去二十年，待天下清，乃與同歲中始舉者等耳。故呂四時歸鄉里，于譙東五十里築精舍，欲秋夏讀書，冬春射獵。求底下之地，欲呂泥水自蔽，絕賓客往來之望，然不能得如意。後徵爲都尉，遷典軍校尉，意遂更欲爲國家討賊立功，欲望封侯作征西將軍，然後題墓道。言漢故征西將軍曹侯之墓，此其志也。而遭值董卓之難，興舉義兵，是時合兵，能多得耳，然常自損，不欲多之。所呂然者，多兵意盛，與疆敵爭，備更爲禍始。故汴水之戰，數千後，還到揚州，更募亦復不過三千人，此其本志有限也。後領兗州。

破降黃巾三十萬眾。又袁術僭號于九江，下皆稱臣。名門曰建號，門衣被皆爲天子之制。兩婦預爭爲皇后，志計已定。人有勸術使遂卽帝位，露布天下，答言曹公尙在，未可也。後孤討禽其四將，獲其人眾，遂使術窮亡，解沮發病而死。及至袁紹據河北，兵勢彊盛，孤自度勢實不敵之，但計投死爲國。曰：「義滅身，足垂于後。」幸而破紹，梟其二子。又劉表自己爲宗室，包藏好心，乍前乍卻。曰：「觀世事，據有當州，孤復定之。」遂平天下，身爲宰相，人臣之貴，已極。意望已過矣。今孤言此，若爲自大，欲人言盡，故無諱耳。設使國家無有孤，不知當幾人稱帝，幾人稱王。或者人見孤彊盛，又性不信天命之事，恐私心相評，言有不遜之志，妄相忖度，每用耿耿。齊桓晉文，所已垂稱。至今日者，已其兵勢廣大，猶能奉事周室也。論語云：「三分天下有其二，已服事殷，周之德，可謂至德矣。」夫能已大事小也。昔樂毅走趙，趙王欲與之圖燕，樂毅伏而垂泣，對曰：「臣事昭王，猶事

大王臣若獲戾放在他國沒世然後已不忍謀趙之徒隸况燕後嗣乎胡亥之殺蒙恬也恬曰自吾先人及至子孫積信于秦三世矣今臣將兵三十餘萬其勢足以背叛然自知必死而守義者不敢辱先人之教曰忘先王也孤每讀此二人書未嘗不愴然流涕也孤祖父曰至孤身皆當親重之任可謂見信者矣曰及子植兄弟過于三世矣孤非徒對諸君說此也常曰語妻妾皆令深知此意孤謂之言願我萬年之後汝曹皆當出嫁欲令傳道我心使他人皆知之孤此言皆肝鬲之要也所曰勤勤懇懇敘心腹者見周公公有金縢之書曰自明恐人不信之故然欲孤便爾委捐所典兵杖曰還執事歸就武平侯國實不可也何者誠恐已離兵爲人所禍也既爲子孫計又已敗則國家傾危是曰不得慕虛名而處實禍此所不得爲也前朝恩封三子爲侯固辭不受今更欲受之非欲復曰爲榮欲曰爲外援爲萬安計孤聞介推之避晉封申胥之

逃楚費未嘗不舍苦而歎有日自省也奉國威靈仗鉞征伐推弱
曰克強處小而禽大意之所圖勳無遠事心之所慮何向不濟遂
蕩平天下不辱主命可謂天助漢室非人力也然封兼四縣食戶
三萬何德堪之江湖未議不可讓位至于邑上可得而辭今上還
陽夏柘苦三縣戶二萬但食武平萬戶且日分損謗議少減孤之
貴也

魏志武帝紀注
引魏武故事

轉邠原五官長史合

建安十六年

子弱不才懼其難正貪欲相屈曰匡勵之雖云利賢能不惡惡

邠原
傳注

下令增杜畿秩

建安十六年九月

河東太守杜畿孔子所謂禹吾無間然矣增秩中二千石

魏志杜
畿傳

隴右平定下令

姜敘之母明智乃爾雖楊敞之妻蓋不過也

御覽四百四十一
引皇甫謐列女傳

止省東曹令

日出于東、月盛于東、凡人言方亦復先東、何曰省東曹、魏志毛玠傳

辭九錫令

夫受九錫、廣開土宇、周公其人也、漢之異姓八王者、與高祖俱起布衣、勛定王業、其功至大、吾何可比之、魏志武帝紀注引魏書

曰高柔爲理曹掾令

夫治定之化、曰禮爲首、撥亂之政、曰刑爲先、是已舜流四凶、族皋陶、作土、漢祖除秦苛法、蕭何定律掾、清識平當、明于憲典、勉恤之哉、魏志高柔傳

復肉刑令

安得通理君子、達于古今者、使平斯事乎、昔陳鴻臚曰、爲死刑有可加于仁恩者、正謂此也、御史中丞能申其父之論乎、魏志陳羣傳

曰杜畿爲尚書仍鎮河東令

昔蕭何定關中寇恂平河內卿有其功間將授卿已納言之職顧
念河東吾股肱郡充實之所足已制天下故且煩卿臥鎮之

魏志
禮議

與和洽辯毛玠誦毀合

今言事者白玠不但誦吾也乃復爲崔琰缺望此損君臣恩義妄
爲死友怨歎殆不可忍也昔蕭曹與高祖並起微賤致功立勳高
祖每在屈筭二相恭順臣道益彰所已祚及後世也和侍中比求
實之所已不聽欲重參之耳

魏志和
洽傳

悼荀攸下令

孤與荀公達周游二十餘年無毫毛可非者

魏志荀攸傳
注引魏書

荀公達眞賢人也所謂溫良恭儉讓已得之孔子稱晏平仲善與
人交久而敬之公達卽其人也

同上

夏侯淵平隴右令

宋建造爲亂逆三十餘年，淵一舉滅之，虎步關右，所向無前，仲尼

有言：吾與爾不如也。

魏志夏侯淵傳

敕有司取士毋廢偏短令

令夫有行之士，未必能進取，進取之士，未必能有行也。陳平豈篤行，蘇秦豈守信邪？而陳平定漢業，蘇秦濟弱燕。由此言之，士有偏短，庸可廢乎？有司明思此義，則士無遺滯，官無廢業矣。

魏志武帝紀又文館

詩林六百九十五

選軍中典獄令

夫刑百姓之命也，而軍中典獄者，或非其人，而任百三軍死生之事，吾甚懼之。其選明達法理者，使持典刑。

魏志武帝紀又通典二十九

高選諸子官屬令

侯家吏宜得淵深法度，如邢隴輩。

魏志邢隴傳

春禡令

合議者曰爲祠廟上殿當解履。吾受錫命，帶劍不解履上殿。今有事于廟而解履上殿，是尊先公而替王命，敬父祖而簡君主，故吾不敢解履上殿也。又臨祭就洗，曰于擬水而不盥，大盥曰潔爲敬。未間擬向不盥之禮，且祭如在，祭神如神在，故吾親受水而盥也。又降神禮訖，下階就坐而立，須奏樂畢，竟似若不行。魏志誤作愆，今從文館詞林。烈祖，遲祭不連訖也。故吾坐俟樂闋，送神乃起也。受胙納袖。魏志誤作神，今從文選詞林。曰授侍中，此爲敬恭不終實也。古者親執祭事，故吾親納于袖，終抱而歸也。仲尼曰：雖違眾，吾從下，誠哉斯言也。魏志武帝紀注引魏書又文館詞林六百九十五御覽七百六十一

諸兒令

今壽春漢中長安先欲使一兒各往督令之，欲擇慈孝不違吾令，亦未知用誰也。兒雖小時見愛，而長大能善，必用之。吾非有二言也，不但私臣吏，兒子亦不欲有所私。御覽四百二十九

賜死崔琰合

琰雖見刑而通賓客門若市人對賓客虬鬚直視若有所矚魏志崔琰傳

賜夏侯惇伎樂名倡合

魏絳曰和戎之功猶受金石之樂況將軍乎魏志夏侯惇傳

曹植私出開司馬門下令

始者謂子建兒不取可定大事魏志陳思王植傳注引魏武故事

自臨苗侯植私出開司馬門至金門令吾異日視此兒矣同上

又下諸侯長史合

諸侯長史及帳下吏知吾出輒將諸侯行意否從子建私開司馬

門來吾都不復信諸侯也恐吾適出便復私出故羈將行不可恆

使吾爾誰為心腹也魏志陳思王植傳注引魏武故事

舉賢勿拘品行合

昔伊摯傳說出于賤人管仲桓公賊也皆用之呂與蕭何曹參縣吏也韓信陳平負汙辱之名有見笑之恥卒能成就王業聲著千載吳起貪將殺妻自信散金求官母死不歸然在魏秦人不敢東向在楚則三晉不敢南謀今天下得無有至德之人放在民間及果勇不顧臨敵力戰若文宿之吏高才異質或堪爲將守負汙辱之名見笑之行或不仁不孝而有治國用兵之術其各舉所知勿有所遺

魏志武帝紀
注引魏書

立太子令

告子文汝等悉爲侯而子桓獨不封止爲五官中郎將此是太子

可知矣

御覽二百四十一引魏武
合案鄭隆侯影評子文

賜進士出身一品銜廣東等處提刑按察使司按察使兼管驛傳事務黃岡王毓棨校刊

全三國文卷二十一終

全三國文卷三

烏程嚴可均校輯

魏三

武帝三

使辛毗曹休參治下辨令

二十二年十月

昔高祖貪財好色而良平匡其過失今佐治文烈憂不輕矣

魏志辛毗傳

敕王必領長史令

二十三年正月

領長史王必是吾披荆棘時吏也忠能勤事心如鐵石國之良吏也。蹉跌久未辟之舍騏驥而弗乘焉。遑遑而更求哉。故敕辟之已

魏志武帝紀注引魏武故事又御覽二百四十八案魏志杜襲傳

有釋騏驥而不乘焉。皇皇而更索二語蓋兩令皆有此也。贍給災民令

二十三年四月

去冬天降疫癘，民有凋傷，軍興于外，墾田損少，吾甚憂之。其令吏民男女，女年七十已上，無夫子，若年十二已下，無父母兄弟，及目無所見，手不能作，足不能行，而無妻子父兄產業者，廩食終身。幼者至十二止，貧窮不能自贍者，隨口給貸。老耄須待養者，年九十已上，復不事家一人。

魏志魏武帝紀注引魏書

終令

宋志引題如此

古之葬者，必居瘠薄之地。其規西，門豹祠西原上爲壽陵，因高爲基，不封不樹。周禮，冢人掌公墓之地，凡諸侯居左右，曰前，卿大夫居後。漢制亦謂之陪陵。其公卿大臣列將有功者，宜陪壽陵。其庶爲兆域，使足相容。

魏志武帝紀宋書禮志二

假徐晃節令

此閭道，漢中之險要咽喉也。劉備欲斷絕外內，取漢中，將軍一舉克奪賊計，善之善者也。

魏志徐晃傳

在陽平將還師令

維助魏志武帝紀注引九州春秋

選留府長史令

釋騏驥而不乘馬皇皇而更索魏志杜襲傳

原劉腹令

叔向不坐弟虎古之制也特原不問魏志劉廙傳

遣徐商呂建等詣徐晃令

須兵馬集至乃俱前魏志徐晃傳

曰徐奕爲中尉令

昔楚有子玉文公爲之側席而坐汲黯在朝淮南爲之折謀詩稱

邦之司直君之謂與魏志徐奕傳

勞徐晃令

賊圍塹鹿角十重將軍致戰全勝遂陷賊圍多斬首虜吾用兵二三

十餘年及所聞古之善用兵者未有長驅徑入敵圍者也且樊襄
之在圍過于莒卽墨將軍之功踰孫武穰苴

魏志徐晃傳

追稱丁幼陽令

昔吾同縣有丁幼陽者其人衣冠夏士又學問材器吾愛之後日
憂患得狂疾卽差愈往來故當共宿止吾常遣歸謂之曰昔狂病
儻發作持兵刃我畏汝俱共大笑輒遣不與共宿

御覽七百三十九

內誠令

平參王作問大人語元盈言卒位上殿青布帳敎撤去曰爲大人

自可施帳當令君臣上下悉共見

書鈔未改本一百三十二

孤不好鮮飾嚴具所用雜新皮韋筒曰黃韋綠中遇亂無韋筒乃

作方竹嚴具曰帛衣麤布作裏此孤之平常所用也

書鈔未改本一百三十六

百鍊利器曰辟不祥攝服姦宄者也

御覽三百四十五

吾衣被皆十歲也歲解浣補納之耳

御覽四百三十一八百十九

貴人位爲貴人金印藍紵女人爵位之極

御覽六百九十一

更民多製文繡之服履絲不得過隆紫金黃絲織履前于江陵得雜絲絲履曰與家約當盡著此履不得效作也

御覽六百九十七

孤有逆氣病常儲水臥頭曰銅器盛臭惡前曰銀作小方器人不

解謂孤喜銀物令曰木作

御覽七百五十六

昔天下初定吾便禁家內不得熏香後諸女醜國家因此得香燒吾不燒香恨不遂初禁令復禁不得燒香其所藏衣香著身亦不

得

御覽九百八十一

房屋不潔聽燒楓膠及薰香

御覽九百八十二

禮讓令

里諺曰讓禮一寸得禮一尺斯合經之要矣

魏文類聚二十一御覽四百二十四

辭爵逃祿不曰利累名不曰位虧德之謂讓

魏文類聚二十一御覽四百二十四引魏

事

武備

清時令

今清時但當盡忠于國、効力王事、雖私結好于他人、用千匹緝萬石穀、猶無所益。

造發石車令

傳言盾動而鼓。本注云說文曰盾發石車也御覽三百二十七引魏武本紀

百辟刀令

往歲作百辟刀五枚、適成先旨一與五官將、其餘四吾諸子中有不好武而好文學者、將旨次與之。魏文類聚六十御覽三百四十五

鼓吹令

孤所旨能常旨少兵敵眾者、常念增戰士、忽餘事、是旨往者有缺、吹而使步行爲戰士愛馬也、不樂多署吏爲戰士愛糧也。御覽五百六十七

戒飲山水令

凡山水甚強寒飲之皆令人痢

御覽七百四十三

軍策令

孤先在襄邑有起兵意與工師共作卑手乃時北海孫賓頓來條孤譏孤曰當慕其大者乃與工師共作刀耶孤荅曰能小復能大何害

書鈔一百二十三
御覽三百四十六

袁本初鐵萬領吾大鎧二十領本初馬鎧三百具吾不能有十具見其少遂不施也吾遂出奇破之是時士卒練甲不與今時等也

御覽三百五十六

夏侯淵今月賊燒卻鹿角鹿角去本營十五里淵將四百兵行鹿角因使士補之賊山上望見從谷中卒出淵使兵與鬪賊遂繞出其後兵退而淵未至甚可傷淵本非能用兵也軍中呼爲白地將軍爲督帥尚不當規戰况補鹿角乎

御覽三百三十七

軍令

兵欲作陳對敵營先白表乃引兵就表而陳皆無喧譁明聽鼓音
旗旛麾前則前麾後則後麾左則左麾右則右麾不聞令而擅前
後左右者斬伍中不進者伍長殺之伍長不進什長殺之什長
不進部下殺之督戰部曲將拔刀在後察違令不進者斬之一部
受敵餘部有不進救者斬之

御覽二百九十六

吾將士無張弓弩于軍中其隨大軍行其欲試調弓弩者得張之
不得著箭犯者鞭二百沒人吏不得于營中屠殺賣之犯令沒所
賣皮都督不紀白杖五十始出營豎矛戟舒幡旗鳴鼓行三里辟
矛戟結幡旗止鼓將至營舒幡旗鳴鼓至營訖復結幡旗止鼓違
令者髡鬚曰徇軍行不得斫伐田中五果桑柘棘棗

通典一百四十九

船戰令

雷鼓一通吏士皆嚴再通什伍皆嚴船整持櫓棹戰士各持兵器
廣船各當其所幢幡旗鼓各隨將所載船鼓三通鳴大小戰船曰

次發左不得至右，右不得至左，前後不得易，違令者斬。通典一百四十九

步戰令

嚴鼓一通，步騎悉裝，再通，騎上馬，步結屯，三通，目次出之，隨幡所指，住者結屯，住幡，後聞急鼓，音整陳，斥候者視地形廣狹，從四角而立，表制戰陳之宜，諸部曲者各自安部，陳兵疏數，兵曹舉白，不如令者斬，兵若欲作陳，對敵營，先白表，乃引兵就表而陳，臨陳皆無譁，誦明聽鼓音，旗幡麾前則前，麾後則後，麾左則左，麾右則右，麾不聞令，而擅前後左右者，斬，伍中有不進者，伍長殺之，伍長有不進者，什長殺之，什長有不進者，都伯殺之，督戰部曲將拔刃在後，察違令不進者，斬之一部受敵，餘部不進救者，斬，臨戰兵弩不可離陳，離陳伍長什長不舉發，與同罪，無將軍令，妄行陳間者，斬，臨戰陳騎皆當在軍兩頭，前陷陳，騎次之，游騎在後，違令髡鞭二

百兵進退入陳間者斬若步騎與賊對陳臨時見地勢便欲使騎獨進討賊者聞三鼓音騎特從兩頭進戰視麾所指聞三金音還此但謂獨進戰時也其步騎大戰進退自如法吏士向陳騎馳馬者斬吏士有妄呼大聲者斬追賊不得獨在前在後犯令者罰金四兩士將戰皆不得取牛馬衣物犯令者斬進戰士各隨其號不隨號者雖有功不賞進戰後兵出前前兵在後雖有功不賞臨陳牙門將騎督明受都令諸部與都督將吏士各戰時校督部曲督住陳後察几違令畏懦者口有急聞雷鼓音絕後六音嚴畢白辨便出卒逃歸斬之一日家人弗捕執及不言于吏盡與同罪通典一百四十九節

隨三百

營繕令

諸私家不得有椽衝等御覽七百七十一不載

與白雲雨隆令

御覽七百七十一不載

聞卿年出百歲，而體力不衰，耳目聰明，顏色和悅，此盛事也。所費
食，施行導引，可得間乎？若有可傳，想可密示封內。千金方卷八十一

遺令

吾夜半覺小不佳，至明日飲粥汗出，服當歸湯，吾在軍中持法足
也。至于小忿怒，大過失，不當效也。天下尚未安定，未得遵古也。吾
有頭病，自先著幘。吾死之後，持大服如存時，勿遺。百官當臨殿中
者，十五舉音。葬畢，便除服。其將兵屯戍者，皆不得離屯部。有司各
率乃職。敕曰：時服葬于鄴之西岡上，與西門豹祠相近，無藏金玉
珍寶。吾婢妾與伎人皆勤苦，使著銅雀臺，善待之。于臺上安六
尺牀，施緦帳，朝脯上脯，楸之屬。月旦十五日，自朝至午，輒向帳中
作伎樂。汝等時時登銅雀臺，望吾西陵墓田。餘香可分與諸夫人。
不命祭，諸舍中無所爲，可學作組履賣也。吾歷官所得綬，皆著藏
中。吾餘衣裘，可別爲一藏，不能者兄弟可共分之。

魏志武帝紀宋書

言語篇注文選陸機甲魏武文序通典八十書鈔一百三十二御覽五百又五百六十又六百八十七又六百九十七六百九十九八百二十九又八百五十九

下州郡

昔仲尼之干顏子每言不能不歎既情愛發中又宜率馬百驥今

吾亦冀眾人仰高山慕景行也

魏志杜畿傳注引杜氏新書曰平虜將軍劉劭爲太祖所親貴袁朝

廷嘗從畿求大策畿拒曰他故後勳伏法太祖得其書歎曰杜畿可謂不矜于寵者也稱畿功美曰下州郡

拒王芬辭

夫廢立之事天下之至不祥也古人有權成敗計輕重而行之者伊尹霍光是也伊尹懷至忠之誠據宰臣之勢處官司之上故進退廢置計從事立及至霍光受託國之任藉宗臣之位內因太后秉政之重外有羣卿同欲之勢昌邑卽位日淺未有貴寵朝乏讜臣議出密近故計行如轉圜事成如摧朽今諸君徒見曩者之易未視當今之難諸君自度結眾連黨何若七國合肥之貴孰若吳

楚而造作非常欲望必克不亦危乎魏志武帝紀注引魏書載太祖拔荊

遺荀攸書建安元年

方今天下大亂智士勞心之時也而顧觀變蜀漢不已久乎魏志荀攸傳

手書與呂布

山陽屯送將軍所失大封國家無好金孤自取家好金更相為作印國家無紫綬自取所帶紫綬曰籍心將軍所使不良袁術稱天子將軍止之而使不通章朝廷信將軍使復重上曰相明忠誠魏志

呂布傳注引英雄記

與荀彧書建安三年五月

賊來迫吾雖日行數里吾策之到安眾破繡必矣魏志武帝紀

自志才亡後莫可與計事者汝穎固多奇士誰可引繼之魏志郭嘉傳御

覽四百六十七

與君共事已來立朝廷君之相爲匡弼君之相爲舉人君之相爲
建計君之相爲密謀亦已多矣夫功未必皆野戰也願君勿讓

魏志

前或傳注
引或別傳

與荀彧書追傷郭嘉

郭奉孝年不滿四十相與周旋十一年險阻艱難皆共罹之又已
其通達見世事無所疑滯欲日後事屬之何意卒爾失之悲痛傷
心今表贈其子滿千尺然何益亡者追念之感深且奉孝乃知孤
者也天下人相知者少又已此痛惜奈何奈何

魏志郭嘉傳
注引傳子

追惜奉孝不能去心其人見時事兵事遊絕于人又人多畏病南
方有疫常言吾往南方則不生還然與共論討云當先定荆此爲
不但見計之忠厚必欲立功分乘命定事人心乃爾何得使人忘
之

魏志郭嘉傳
注引傳子

下荆州書

建安十三年九月

不喜得荊州喜得荆異度耳

魏志劉表傳注引傳子

與鍾繇書

得所送馬甚應其急關右平定朝廷無西顧之憂足下之勳也昔

蕭何鎮守關中足食成軍亦適當爾

魏志鍾繇傳

手書答朱靈

兵中所召爲危險者外對敵國內有姦謀不測之變昔鄧禹中分

光武軍西行而有宗歆馮愔之難後將二十四騎還洛陽禹豈已

是滅損哉來書懇惻多引咎過未必如所云也

魏志徐晃傳注引魏書

與王脩書

君操身浴德流聲本州忠能成績爲世美談名實相副過人甚遠

孤曰心知君至深至熟非徒耳目而已也察觀先賢之論多曰鹽

鐵之利足贖軍國之用昔孤初立司金之官念非屈君餘無可者

故與君敘曰昔遇父陶正民賴其器用及子媯滿建侯于陳近柔

弘羊位至三公，此君元龜之兆，先告者也。是孤用君之本言也。或恐眾人未曉此意，自是日來，在朝之士，每得一顯選，常舉君爲首。及聞袁軍師罷賢之議，日爲不宜越君。然孤執心將有所底，日軍師之職，關于司金，至于建功，重于軍師。孤之精誠，足日達君。君之察孤，足日不疑，但恐旁人淺見，日蝕測海，爲蛇畫足。將言前後百選，輒不用之，而使此君沈滯治官。張甲李乙，尙猶先之。此主人意待之不優之效也。孤懼有此空聲，言實淫濫亂耳。假有斯事，亦庶鍾期不失聽也。若其無也，過備何害。昔宣帝察少府蕭望之，才任宰相，故復出之，令爲馮翊。從正卿往，似于左選。上使侍中宣意，日君守平原日淺，故復試君三輔，非有所間也。孤揆先主中宗之意，誠備此事。既君崇勲業，日副孤意，公叔文子與臣俱升，獨何人哉。

魏志王濬傳
注引魏略

與孫權書

近者木辭伐罪、旌麾南指、劉琮束手、今治水軍八十萬、取方與將

軍會獵于吳、

吳志孫權傳注引江表傳又載文類聚六十六細覽八百三十一

赤壁之役、值有疾病、孤燒船自退、橫使周瑜虛獲此名、

吳志周瑜傳注引江

表

手書與閻行

觀文約所爲、使人笑來、吾前後與之書、無所不說、如此何可復忍、卿父諫議、自平安也、雖然、半獄之中、非養親之處、且又官家亦不能久爲人養老也、

魏志張既傳注引魏略

報蒯越書

建安十九年

死者反生、生者不愧、孤少所舉、行之多矣、魂而有靈、亦將聞孤此言也、

魏志劉琮傳注引傳子

與諸葛亮書

今奉雞舌香五斤、以表微意、

與太尉楊彪書

操白與足下同海內大義足下不遺百賢子見輔比中國雖靖方
外未夷今軍征事大百姓騷擾吾制鐘鼓之音主簿宜守而足下
賢子恃豪父之勢每不與吾同懷卽欲直繩顧頗恨恨謂其能改
途轉寬欲復卽宥貸將延足下尊門大累便令刑之念卿父息之
情同此悼楚亦未必非幸也今贈足下錦裘二領八節銀角桃杖
一枚青氊牀褥三具官絹五百匹錢六十萬畫輪四望通幃七香
車一乘青犢牛二頭八百里驃騮馬一匹赤戎金裝鞍轡十副鈴
氈一具驅使二人竝遺足下貴室錯綵羅縠裘一領織成鞋一量
有心青衣二人長奉左右所奉雖薄已表吾意足下便當慨然承
納不致往返古文苑又略見書鈔一百三十三一百三十四初學
記二十五御覽三百四十一四百七十八六百九十
又七百十又七百七十三八百十五

荅袁紹

初平元年正月

董卓之罪、暴于四海、吾等合大眾興義兵、而遠近莫不響應、此百
義勳故也、今幼主微弱、制于奸臣、未有昌邑亡國之釁、而一旦改
易、天下其孰安之、諸君北面、我自西向、魏志武帝紀注引魏書

報苟或

微足下之相難、所失多矣、

水經注

繡邊吾歸師、迫吾死地、

水經注

君之策謀、非但所表二事、前後謙沖、欲慕魯連先生乎、此聖人達
節者所不貴也、昔介子推有言、稱人之財、猶謂之盜、况君密謀安
眾、光顯于孤者、百數乎、百二事相還而復辭之、何取謙亮之多
邪、魏志荀彧傳注引或別傳又見袁宏後漢紀三十略同

楊阜讓爵報

君與羣賢、共建大功、西土之人、皆爲美談、子貢辭賞、仲尼謂之止
善、君其剖心、以順國命、姜敘之母、勸敘早發、明智乃爾、雖楊敞之

妻蓋不過此賢哉賢哉良史紀錄必不墜于地矣

魏志志揚
阜傳

報劉廙

建安二十年

非但君當知臣臣亦當知君今欲使吾坐行西伯之德恐非其人

也

魏志劉
廙傳

孫子兵法序

操問上古有弧矢之利論語曰足食足兵尙書八政曰師易曰師貞丈人吉詩曰王赫斯怒爰征其旅黃帝湯武咸用于威呂濟世也司馬法曰人故殺人殺之可也恃武者滅恃文者亡夫差偃王是也聖賢之于兵也戢而時動不得已而用之吾觀兵書戰策多矣孫武所著深矣孫子者齊人也名武爲吳王闔閭作兵法十三篇武之婦人卒曰爲將西破強楚入郢北威齊晉后百歲餘有孫臏是武之后也審計重舉明畫深圖不可相誣而但世人未之深亮訓說况文煩富行于世者失其旨要故撰爲略解焉

細覽二
百七十

又道藏本孫子

家注有刪節

戒子植

吾昔爲頓丘令，年二十三思此時所行，無悔于今。今汝年亦二十

三矣，可不勉歟。魏志陳思王植傳又御覽四百五十九引曹植別傳

家傳

曹叔振鐸之後。魏志蔣濟傳注

兵書要略

衛枚母謹謹唯令之從。御覽三百五十七

兵法

太白已出高，賊深入人境，可擊必勝，去勿追，雖見其利，必有後害。

淵元占經四十五

四時食制

鄆縣子魚黃鱗赤尾，出稻田，可白爲醬。御覽九百三十六

鱧一名黃魚，大數百斤，骨軟可食。出江陽，健爲。御覽九百三十六

蒸鮎。御覽九百三十七

東海有大魚如山，長五六里，謂之鯨鯢。次有如尾者，時死岸上，膏

流九頃，其鬚長一丈二三尺，厚六寸，瞳子如三升碗，大骨可爲白

文。選海賦注。御覽九百三十八

海牛魚皮生毛，可爲飾物。出揚州。御覽九百三十九

望魚側如刀，可爲刈草。出豫章、明都澤。御覽九百三十九

蕭折魚，海之乾魚也。御覽九百三十九

鯨鮪魚，黑色，大如百斤豬，黃肥不可食。數枚相隨，一浮一沈。一名

敷，常見首出淮及五湖。御覽九百三十九

蕃踰魚如鼈，大如箕，甲上邊有脊，無頭，口在腹下，尾長數尺，有節

有毒，螫人。御覽九百三十九

髮魚，帶髮如婦人，白肥無鱗，出滇池。御覽九百四十

蒲魚其鱗如刺出郟縣

御覽九百四十一

疏齒魚味如豬肉出東海

御覽九百四十一

班魚頭中有石如珠出北海

御覽九百四十一

鱸魚大如五斗匱長丈口頷下常三月中從河上常于孟津捕之

黃肥唯言作酢淮水亦有

初學記三十一

題識送終衣廩

有不諱隨時曰斂金耳珠玉銅鐵之物一不得送

通典七十九

祀故太尉橋玄文

故太尉橋公誕敷明德汎愛博容

文選頭作寺碑云高輒難進注引魏太祖祭橋玄文曰懿德高

博容國念明訓士思合謨靈幽體懸邈哉晞矣吾已幼年遠升

堂室特曰頑鄙之姿爲大君子所納增榮益觀皆由獎助猶仲尼

稱不如顏淵孺生之厚歎買復士死知己懷此無忘又承從容約

誓之言殂逝之後路有經由不引斗酒隻雞過相沃酌車過三步

腹痛勿怪。雖臨時戲笑之言，非至親之篤好，胡肯爲此辭乎。匪謂
靈念能詒己疾，懷舊惟顧念之悽愴，奉命東征，屯次鄉里，北望貴
土，乃心陵墓，裁致薄奠，公其尚饗。魏志武帝紀注引裴賞令又見
水注裁文類聚三十八

失題

好學明經晉鈔十二引
魏武帝集

賜進士出身一品銜廣東等處提刑按察使司按察使兼管驛傳事務黃岡王誠潔校刊

全三國文卷三終